

На литии стихиры, глас 1:

Не́бо и земля́ днесь проро́чески да возвеселя́тся, / А́нгели и челове́цы духо́вно да торжествуют, / я́ко Бог во плóти яви́ся / сущим во тьме и сени седя́щим, рождéйся от Дéвы; / вертéп и я́сли прия́ша Того́; / па́стырие чúдо проповéдуют; / волсв́и от востóк в Вифле́ем да́ры прино́сят. / Мы же хвалу́ недостóйными устна́ми а́нгельски Тому́ принесéм: / сла́ва в В́ышних Бо́гу, и на земл́и мир, / при́де бо Ча́яние язы́ков, // прише́д, спасé нас от рабо́ты вра́жия.

Не́бо и земля́ днесь совокуп́ишася, ро́ждшуся Христу́. / Днесь Бог на зéмлю при́де, / и человек на Небеса́ взы́де. / Днесь ви́димь есть плóтию, естество́м невидимый, челове́ка ра́ди. / Сего́ ра́ди и мы, славосло́вяще, возопи́м Ему́: / Сла́ва в В́ышних Бо́гу, и на земл́и мир, / дарова́ бо прише́ствие Твое́, // Спа́се наш, сла́ва Тебе́.

Слава и ныне, глас 6:

Ликуют А́нгели вси на Небеси́, / и ра́дуются челове́цы днесь, / игра́ет же вся тварь ро́ждшагося ра́ди в Вифле́еме Спа́са Го́спода, / я́ко всякая лeсть идо́льская престá, // и ца́рствует Христóс во ве́ки.

На стиховне, глас 2:

Вéлие и пресла́вное чúдо соверши́ся днесь: / Дéва ражда́ет, и утроба не истлева́ет, / Сло́во воплоща́ется и Отца́ не отлуча́ется, / А́нгели с па́стырьми сла́вят, / и мы с ними вопи́ем: // сла́ва в В́ышних Бо́гу, и на земл́и мир.

Слава и ныне, глас 4:

В вертéп всели́лся еси́, Христé Бо́же, / я́сли Тя восприя́ша, / па́стырие же и волсв́и поклон́ишася. / Тогда́ úбо проро́ческая испо́лнися про́поведь, / и А́нгельския си́лы дивля́хуся, вопи́юще и глаго́люще: // сла́ва схожде́нию Твоему́, Еди́не Человеколю́бче.

Тропарь, глас 4:

Рождество́ Твое́, Христе́ Бо́же наш, / возсия́ мірови свет ра́зума, /
в нем бо звезда́м служа́щи / звездо́ю уча́хуся / Тебе́
клáняться, Со́лнцу Пра́вды, / и Тебе́ ве́дети с высоты́ восто́ка. //
Го́споди, сла́ва Тебе́.

Кондак, глас 3:

Де́ва днесь Пресу́щественнаго ражда́ет, / и земля́ верте́п
Непристу́пному прино́сит. / А́нгели с па́стырьми славосло́вят, /
волсви́ же со звездо́ю путешество́уют: // нас бо ра́ди роди́ся
Отроча́ Младо́, Преве́чный Бог.

Величание:

Велича́ем Тя, / Живода́вче Христе́, / нас ра́ди ны́не плоти́ю
ро́ждшагося // от Безневе́стныя и Пречи́стыя Де́вы Мари́и.

Псалом избранный: Воскли́кните Го́сподеви вся земля́.
По́йте же и́мени Его́. Дадите́ сла́ву хвалé Его́.

Прокимен:

Из чре́ва прэ́жде денни́цы роди́х Тя, / кля́тсЯ Го́сподь и не раскáется.

По 50-м псалме:

Сла́ва... / Вся́ческая днесь ра́дости исполня́ются, / Христо́с роди́ся
от Де́вы.

И ны́не... / Вся́ческая днесь ра́дости исполня́ются, / Христо́с роди́ся
в Вифле́еме.

Помілуй мя, Бо́же...

Стихира, глас 6:

Сла́ва в Вы́шних Бо́гу, / и на земли́ мир, / днесь восприе́млет
Вифле́ем сидя́щаго прісно со Отце́м, / днесь А́нгели Младéнца,
рожденнаго боголе́пно, славосло́вят: / сла́ва в Вы́шних Бо́гу, и на
земли́ мир, // в челове́цех благоволе́ние.

На хвалитех стихиры, глас 4:

Веселітєся, праведнии, / Небесá, радуйтєся, / възграйте, горы,
Христу́ рождшуся; / Дєва седит, Херувимов подобящися, / носящи
в недрах Бóга Сло́ва воплощенна; / пастырие рождєнному дивятся; /
волсви́ Влады́це дары приносят, / Ангели, воспевающе, глаго́лют: //
Непостижиме Гóсподи, сла́ва Тебє.

Богородице Дєво, рождшая Спáса, / упраздни́ла еси́ пєрвую клятву
Євину, / я́ко Мати́ была́ еси́ благово́ления О́тча, / носящи в недрах
Бóжие Сло́во воплощенное. / Не терпит та́йна испытáния. / Вєрою
еди́ною Сию́ вси сла́вим, / зовуще с Тобóю и глаго́люще: //
Неизречєнне Гóсподи, сла́ва Тебє.

Слава, глас 6:

Егда́ время́ е́же на зємлю пришєствия Твоегó / пєрвое
написáние вселєнней бысть, / тогда́ восхотєл еси́ человекóв написáти
именá, / вєрующих Рождеству́ Твоему́. / Сегó ради́ таковóе повелєние
от кєсаря возгласися, / вєчнаго бо Твоегó Цáрствия безначáльное /
Рождествóм Твоим́ обновися. / Тем Тебє приносим и мы пáче
имєннаго даннослóвия / правослáвнаго богáтства Богослóвия, //
я́ко Бóгу и Спáсу душ нáших.

И ныне, глас 2:

Днесь Христóс в Вифлеєме раждáется от Дєвы; / днесь
Безначáльный начинáется, / и Сло́во воплощáется; / силы
Небєсныя радуются, / и земл́я с человекóи веселится; / волсви́
Влады́це дары приносят, / пастырие Рождєнному дивятся. /
Мы же непрестáнно вопиєм: / сла́ва в Вы́шних Бóгу, и на земл́и мир, //
в человекóех благово́ление.